

Seminar Antarabangsa

Peranan Ilmu Kemanusiaan Dalam Bidang Kejuruteraan (ICoHSE) 2010

Seminar Antarabangsa Peranan Ilmu Kemanusiaan Dalam Bidang Kejuruteraan (ICoHSE) 2010 telah diadakan buat kali yang keduanya pada 12-14 Disember 2010 bertempat di Bayview Beach Resort, Pulau Pinang. Seminar yang diadakan kali ini merupakan anjuran Pusat Kemahiran Komunikasi dan Keusahawanan (PKKK), Pusat Pengajian Perniagaan Inovasi Teknousahawan (PPIPT) UniMAP dengan kerjasama Kementerian Pengajian Tinggi Malaysia. Perasmian seminar ini telah disempurnakan oleh Yang Berhormat Dato' Azizan bin Hamid, Setiausaha Kerajaan Negeri Perlis dan turut dihadiri oleh Y.Bhg. Brig. Jen. Dato'Prof. Dr. Kamarudin Hussin dan semua ketua jabatan UniMAP.



Seminar yang membawa tema 'Bridging the Gap Between Theory and Practice' ini merangkumi 14 sub tema yang berkaitan bidang ilmu sains sosial dan kemanusiaan. Sebanyak 134 kertas kerja diterima dan sebanyak 121 kertas kerja dibentangkan dalam seminar tersebut dan 25 kertas kerja adalah daripada peserta antarabangsa. Kebanyakan peserta antarabangsa datangnya

daripada Arab Saudi, Australia, UK, Thailand, Singapura, Argentina, Algeria, Bangladesh, India, Pakistan, New Zealand, Taiwan, Tehran dan Kanada. Di samping itu terdapat sebanyak 7 poster kertas kerja telah dipamerkan sepanjang seminar berlangsung. Dalam seminar ini juga, penganjur telah memberi penghargaan kepada para peserta dengan mengadakan pertandingan kertas kerja dan poster terbaik mengikut sub tema seminar. Seminar juga diserikan dengan sesi ucaptama yang disampaikan oleh Keynote Speaker Prof. Ciaran O Cathain, President of the Athlone Institute of Technology, Ireland. Format pembentangan kertas kerja dijalankan selama 2 hari melalui sesi-sesi sidang selari di samping persembahan poster daripada pembentang.

Seminar ini telah berlangsung dengan jayanya dan mencapai objektif utamanya iaitu mengulas peranan kursus ilmu kemanusiaan dan sains sosial dalam konteks pendidikan kejuruteraan dan teknikal di samping memberi peluang kepada para peserta untuk membincangkan kepentingan kursus ilmu kemanusiaan dan sains sosial dan isu-isu semasa yang berkaitan dengan peranan ilmu dalam kehidupan individu, masyarakat dan organisasi serta kemajuan kerjaya dalam aspek yang lebih luas dan global.

Dengan penganjuran seminar ICoHSE2010 ini telah memberi impak yang besar kepada penganjur khususnya dalam memartabatkan bidang ilmu sains dan kemanusiaan di peringkat global. Malahan dapat mengumpulkan para ahli akademik dari dalam dan luar negara bagi membincangkan secara ilmiah kepentingan bidang ilmu sains sosial dan kemanusiaan dalam membangunkan negara dan masyarakat sejagat.